

## Zbirka medijskih objava

Vlada Brčko Distrikta\_kliping\_dnevno,  
za razdoblje 27. 2. 2022

---

Broj objava: 2

Internet: 2

Teme praćenja:

Vlada Brčko Distrikta: 1

Gradonačelnik ....: 0

Skupština Brčko ....: 0

Brčko: 2

**Vlada Brčko Distrikta:**

Internet	Naslov	U BiH 312 pozitivnih na koronavirus, preminulo devet osoba	
Serijski br. 1	Medij; Doseg	Klix.ba; , Bosna i Hercegovina	
	Rubrika, Datum	Ostalo; 26. 2. 2022	
	Autor	B. R.	
	Teme	Vlada Brčko Distrikta , Brčko	

**Brčko:**

Internet	Naslov	Šadić: Radit ćemo na jačanju medicinskog kadra i bolničkih kapaciteta		
Serijski br. 1	Medij; Doseg	Infobrcko.com; , Bosna i Hercegovina		
	Rubrika, Datum	Ostalo; 26. 2. 2022		
	Autor	Unknown		
	Teme	Brčko		

Internet	Naslov	U BiH 312 pozitivnih na koronavirus, preminulo devet osoba		
Serijski br. 2	Medij; Doseg	Klix.ba; , Bosna i Hercegovina		
	Rubrika, Datum	Ostalo; 26. 2. 2022		
	Autor	B. R.		
	Teme	Vlada Brčko Distrikta , Brčko		

## Radit ćemo na jačanju medicinskog kadra i bolničkih kapaciteta



“Najviše problema su nam stvarale osobe koje nisu poštovale mjere i preporuke Kriznog štaba. Također, samu pandemiju smo dočekali ograničenog bolničkog kapaciteta, tako da smo bili primorani bolnički kapacitet za redovan program smanjiti kako bi ga preusmjerili za COVID. U jednom trenutku skoro 65 posto bolničkog kapaciteta je bilo usmjereno samo za COVID”, rekao je Šadić u razgovoru za Anadolu Agency (AA).

Ipak, ističe kako je situacija u vezi sa pandemijom COVID-19 sada mnogo bolja i da je dosta zadovoljan postignutim rezultatima.

“Možemo konstatovati da je broj lica na bolničkom liječenju manji od deset. Mi kao lokalna zajednica nastojali smo također koristiti naše partnerske odnose sa ambasadama u saradnji sa Ministarstvom civilnih poslova da nam se pomogne prilikom nabavke opreme, tako da smo samo u zadnjih godinu i pol dana dobili skoro 1,5 miliona KM donacija u medicinskoj opremi”, kazao je Šadić.

### Dodjeljivanje specijalizacija

U **Brčko** distriktu su u proteklom periodu imali problem sa nedostatkom medicinskog kadra što su pokušali riješiti dodjeljivanjem specijalizacija.

“Mi smo prepoznali problem nedostatka kadra, što je jedno od najbitnijih pitanja, i zato smo polovinom prošle godine dodijelili 31 specijalizaciju, što je, koliko znam, najveći broj u BiH u proteklih nekoliko godina. Ove godine ćemo kroz rebalans budžeta obezbijediti njihove zamjene kroz rad i vjerujem da ćemo u narednom periodu imati kvalitetan kadar”, rekao je Šadić.

Istakao je da poduzimaju velike napore i u vezi sa izgradnjom infrastrukture u oblasti zdravstva.

“Ovih dana će započeti radovi na izgradnji dodatne zgrade za potrebe Zdravstvenog centra kao i izgradnji Aneksa za smještaj nove dijagnostičke opreme. Nakon skoro deset godina naša lokalna zajednica je nabavila CT aparat koji nam mnogo pomaže. Nabavili smo portabilni RTG koji nam je bio neophodan i u samoj pandemiji”, kazao je Šadić.

### Uspješan proces vakcinacije protiv COVID-19

U **Brčko** distriktu su također vrlo uspješno provodili proces vakcinacije kako bi suzbili širenje pandemije COVID-19.

“Prve vakcine u **Brčko** su došle kroz COVAX mehanizam. Također, mi smo prva lokalna zajednica koja je, između ostalog,

direktno nabavila vakcine za potrebe svojih građana. Za sada možemo konstatovati da smo vakcinisali oko 33 posto građana, isključivo u **Brčko** distriktu. Osim toga, uveliko smo poduzeli aktivnosti prevencije, posebno kada je riječ o obdaništima i osnovnim i srednjim školama da se redovno rade brisevi u školama i da na taj način pratimo epidemiološku situaciju. Trenutno je u **Brčkom** stanje zadovoljavajuće. Broj lica koja se javljaju kroz trijažnu i COVID ambulantu je manji od 50, s tim da smo ranije imali dnevno iznad 500 osoba. Također, sve građane koji su iskazali želju i imali neke od simptoma mi smo besplatno testirali. To pokazuje da je naša lokalna zajednica bila opredijeljena da prati kretanje koronavirusa”, pojasnio je Šadić.

Jačanje medicinskog kadra i bolničkih kapaciteta

U narednom periodu plan je da u tom dijelu Bosne i Hercegovine posebno rade na jačanju medicinskog kadra kao i bolničkih kapaciteta.

“Intenzivirat ćemo posebno aktivnosti da osnažimo naš kadar, ali i prostorno da se proširimo izgradnjom nove zgrade za službu hitne medicinske pomoći iz razloga jer mi smo prije dvije godine pustili u funkciju zaobilaznicu oko **Brčkog**. Aktivno se sada radi da naša lokalna zajednica dobije autoput koji će spajati ostatak Bosne i Hercegovine sa Evropom. Mislim da je neophodno da imamo jako dobro razvijenu službu hitne medicinske pomoći. Također, nastavljamo rekonstrukciju naših bolničkih kapaciteta”, poručio je Šadić.

Izvor: Anadolu Agency



## U BiH 312 pozitivnih na koronavirus, preminulo devet osoba

U Bosni i Hercegovini je registrovano 312 osoba pozitivnih na koronavirus, od 1.610 obrađenih testova. Preminulo je devet osoba, podaci su entitetskih ustanova za javno zdravstvo i **Vlade Brčko distrikta**.

Poređenja radi, u Bosni i Hercegovini je jučer, 25. februara, registrovano 357 osoba pozitivnih na koronavirus, od 1.683 obrađena testa.

### Federacija Bosne i Hercegovine

U Federaciji Bosne i Hercegovine je u posljednja 24 sata registrovano 240 osoba pozitivnih na koronavirus, od 1.226 obrađenih testova. Smrtnih slučajeva usljed zaraze koronavirusom nije bilo.

Od početka pandemije su registrovane 245.594 osobe koje su bile pozitivne na koronavirus, od 1.205.961 obrađenog testa.

Ukupno je preminulo 8.630 osoba, podaci su Zavoda za javno zdravstvo Federacije Bosne i Hercegovine.

### Republika Srpska

U Republici Srpskoj je registrovano 67 osoba pozitivnih na koronavirus, od 287 obrađenih testova. Preminulo je sedam osoba.

Od početka pandemije su registrovane 111.173 osobe koje su bile pozitivne na koronavirus, od 414.002 obrađena testa.

Ukupno je preminula 6.261 osoba, podaci su Instituta za javno zdravstvo Republike Srpske.

### Brčko distrikt

U **Brčko** distriktu je registrovano pet osoba pozitivnih na koronavirus, od 97 obrađenih testova. Preminule su dvije osobe, podaci su **Vlade Brčko distrikta**.

